

Prins Bernhard lo inaugura fabricanan chemico na Barcadera fin di anja

BARCADERA, 31 juli. — Ora cu na luna di November of December e complex di e fabricanan chemico di Aruba Chemical Industries y Antilles Chemical Company worde tuma na uso por completo, lo ta — esta si e por haci su mes liber, como cu e fecha no ta sigur ainda — nada menos cu Prins Bernhard, kende lo haci e ceremonia di inauguracion. Segun e plannan na e momento, cualnan ta masha secreto, e Prins lo keda e ora ey dos dia na Aruba.

Esaki pues segun un noticia for di fuente bon informada, pero cu ora nos a puntra hefe di Public Relation di A.C.I. a worde contesta cu unica-

mente „no comenar“. Segun e trabayonan ta mustrando, e fecha di habrimiento lo ta mas laat cu tabata worde pensa algun luna pasa.

E motibu di e retraso ta cu cierto materialnan for di exterior no a yega na tempo. Segun e plan di construcion di A.C.I., e fabrica di ureum meser bin cla promer, despues eun di salpeterzuur y como ultimo eun di fertilizante mengua. Awor pa motibu di falta di material a resulta un retraso den construcion di e deposito di ureum, cu tin di worde warda bao di un temperatura friu. Pesei por lo tanto e esfuerzonan lo worde usa ariba e fabrica di fertilizante.

Tur esaki lo tin como resultado, cu e tres fabricanan lo bin cla, un tras di otro cu intermedio mas cortico cu a worde calcula, y cu e fecha ariba cual e complex di fabrica lo worde inaugura, lo ta mas laat cu a worde pronostica antes.

APUNTES EDITORIAL INTENTO DI RECONCILIACION?

Awe noch Eilandsraad di Aruba lo tin di dici di kende lo ta e otro dos deputadonan pa completa e B.C. di Aruba. Dos persona a worde proposi pa P.P.A.: Alberto Falconi y Chrispin A. Puce.

Algun dia pasa nos a pone e accento den e kolom aki ariba e necesidad pa P.P.A. busca otro maneranan pa warda e unidad y asina por sigi cu e hopi proyectonan di desaroyo planea door di e partido, y nos a duna e aviso pa en futuro tene consideracion cu e preferencia di e diferente seccionnan di e partido, awor nos ta mira con tal esfuerzo ta worde haci.

Ea e grupo di Arubianonan, cu desde hopi tempo ta bringando pa un „campesino“ hanja e puesto di deputado, keda contento, senor Falconi, cu ultimamente a declara di lo acepta nan puesto den B.C. si esaki worde proposi door di su mes partido, a worde proposi como un di e candidatonan. Pa bolbe hanja e Isla Aribenjonan nan tras, a worde dici di pa pone senor Puce como candidato.

Ta lamentable pa constata cu atrobe e lideran di Islanan Ariba senor Chance y Anslin a worde laga na calla y cu e candidatura di senor Puce a worde proposi sin cu nan sabi di nada.

Ta conoci cu e duo aki actualmentemente a bira poco on-track-minded y ta desea exclusivamente e candidatura di senor Chance, pero si e mayoria den P.P.A. lo no bai di acuerdo cu esey, e caminda cu ta worde sigi actualmentemente pa no consulta e hombernan aki durante e deliberacionnan, siguramente no ta esun indica pa soluciona e problema.

Un conversacion ariba tin un chens muchu mas grandi pa trece na solucion satisfactorio pa tur partido cu e sistema di boycott cu ta ser chentia riba e duo actualmentemente.

Esaki ta hinka solamente pata bao di e candela y ta aparta e dos miembronan di raad aki mas y mas di nan partido. Ya caba nan a anuncia cu nan no por apoya senor Puce cu a worde eligi fuera di nan concilio, awe noch. Quizas esaki no ta muchu sabi, pero si e ta di comprende.

E unidad den P.P.A. segun nos a constata ainda no a worde restablece. Esaki por ta e caso, si e directiva di partido lo ta trata e seniores Chance y Anslin cu poco mas tacto.

Pa nada esaki lo conduci? Senor Falconi tin un bon chens awe noch pa hini den B.C. apesar di su declaracion di siman pasa den cual el a acusa di eun miembro di raad di manipulacion. E ta un homber cu capacidatnan y hopi amig, apesar di e „error“ di un siman pasa. Si senor Puce lo logra? Y supone cu e logra, esaki lo restablece e paz entre e Islaribonjonan? Actualmente tur cos ta indica cu esaki lo no ta e caso. Como ya caba un separacion ta manifesta su mes entre e Islaribonjonan, cu na un banda senor Mathew y na otro banda e duo „Chance-Anslin“. Si e dos ultimonan aki extrania di e partido door di e marcha di asuntu actual, ante por worde asera cu nan lo bira un como mil voto di P.P.A. huntu cu nan. Nan tin un arma fuerte contra di Mathew. „Nos

(Sigl lesa riba pag. 2.)

O.S. HENRIQUEZ GEZAGHEBBER LO HABRI FERIA „CACIQUE“

ORANJESTAD, 31 juli. — Dia biene awor pa 7'or lo tuma lugar na Club Caribe e habrimiento oficial di e grandioso feria di e club aki cu por worde bishita pa e pueblo di Aruba durante di ocho dia. Segun nos a worde informa e acto di habrimiento di feria „Cacique“ lo worde haci pa „Gezaghebber O.S. Henriquez“. E dianan di feria lo ta dia 2, 3, 4, 9, 10, 11, 17 y 18 di agosto y lo cuminsa pa 7'or di anochi y diadomingo na 4'or di atardi. E feria aki cu ta worde tene ariba tereno di Caribe na Camacuri lo tin diferente atraccionnan nobo y tambe hopi premionan valioso.

DOS SHOW DI UN YUDA OTRO TA WORDE PLANEA

ORANJESTAD, 31 juli. — Na e momento tin dos show grandi di e organizacion caritativa „Un Yuda Otro“ ta worde prepara. Segun informacion ta e intencion pa e show worde presenta un biaha den Commandeurs Baai Club na Savanet y un biaha den Aruba Caribbean Hotel Casino. E biaha aki lo ta e Beauty Salonnan di e isla cu lo organiza e show. Ta posibel cu un show di bishita tambe lo worde presenta huntu den e programa. Pronto e planan lo worde discuti durante un reunion di pelukeranan y especialistas di belleza. Loke worde colecta door di e shownan lo ta pa Un Yuda Otro.

Cumpra un auto nobo di cualquier marca si medido serca nos, y bo tin chens pa gana un OPEL KADET nobo completamente gratis. Pa mas informacion ARUBA TRADING COMPANY

NOTICIA DI POLIS

ORANJESTAD, 31 juli. — Mas o menos 9'or y mei dialuna anochi asistencia di polis a worde pidi na San Nicolas pa dos mucha muher cu tabata bringa cu otro pa motibu di diez placa. Un di nan cu tabatin un boga masha grandi contra di polis a worde hiba warda, caminda el a hanja un scual cu e lo no lubida asina liher.

Bringamento

Dialuna marduga tabatin un bringamento afor di un bapor marea den haaf di San Nicolas, entre dos nabegante. Segun declaracion e motibu di bringamento tabata cu C. kende mester a cambia warda cu B. a yega laat. Nan a cuminsa pleig y mokete a cai manera awa for cielo. E caballero C. a hanja un wovo blaua y B. a hanja su nanishi kibra. E ultimo mester a worde hiba San Pedro Hospital pa tratamento medico. Ningun di dos kier a munda keho aden.


Mordemento

Banda di 11'or dialuna mainta asistencia di polis a worde pidi pa dos dama kendenan tabata bringa cu otro. Tabata dos mucha muher kendenan ta bai school ainda, respectivamente R. di 16 anja y C. di 17 anja. C. a hanja un mordi na su pecho di R. Y alavez R. tabatin un cucho cu a worde confisca. Tur dos a hanja un proces verbal.



Smaldeel di Marina na fin di anja pa Antillas?

ORANJESTAD, 31 juli. — Un Smaldeel di Marina Real lo bishita Antillas Neerlandes un biaha mas na fin di anja aki, asina nos a worde informa ayera di fuente nan bon na altura. E Smaldeel lo consisti e.o. di e portaviones „Hr. Ms. „Karel Doorman“, por lo menos un cruzero y algun bapor companjanor, entre cual e cazatorpedo „Hr. Ms. „Utrecht“. Den circulonnan di Marina na Aruba y Corsow nos no por a hanja afirmacion di e noticia ainda.



Gran extension di acomodacion di hotel Basi Ruti en estudio

ORANJESTAD, 31 juli. — Segun senor Chas Neme cu actualmente ta na Aruba pa algun siman, a informa nos ayera, cu actualmente nan ta traha na „algun parti na Europa“ riba plannan pa un extension considerable di Basi Ruti. E extension aki lo ta relaciona cu e acomodacion di hotel. Riba e pregunta con e hotel lo bira anto, senor Neme por a contesta solamente „masha grandi“.

GRUPO BONERIANO DI P.P.A. AINDA TA MALCONTENTU

ORANJESTAD, 31 juli. — Aiera senor Jose M. Leonardo, presidente di e seccion Boneriano den P.P.A. a declara cu el a worde sorpresa door di e presentacion di un Arubano y un No-Arubano pa deputadonan sin cu el a worde consulta den e decision aki. Cu enfasis senor Leonardo ta declara di bai di acuerdo cu e candidatura di e Arubano (senor A. Falconi Red.), pero cu e ta opone su mes contra e candidatura di e No-Arubano (senor Chrispin A. Puce Red.), cu segun senor Leonardo ta declara ni sera su mes grupo ni sera e otro grupo ta goza di algun popularidad y pesey no ta comprende nan sintimentunan tampoco. E grupo Boneriano asina senor Leonardo ta declara un biaha mas ta masha decepciona pasobra e candidato cu a ser presenta pa e grupo aki (senor J. F. M. Roetzem Red.) no a hini en consideracion como candidato. Na number di e grupo Boneriano senor Leonardo ta haci un llamamentu pa cooperacion.

Segun nos vocero a declara e intencion ta, pa un compania di hotel Europeo e mesun cu actualmente ta studia e planan di extension, lo tuma e explotacion riba dje. Na Europa y den Cercano Oriente e empresa di hotel aki ya caba ta explota hotelnan masha exclusivo. Dentro di mas o menos dos luna senor Neme ta spera di por bini Aruba cu algun representante di e empresa di hotel, pa asina esakinan pone nan mes na altura localmente di e posibilidatnan.

Cu henter e extension di Basi Ruti un suma di mas cu 1 millo dollar lo ta relaciona. Si tur cos bai segun plan nan lo cuminsa den segundo millar di 1964 cu e extension di Basi Ruti. E espacio cu lo worde anjadi lo bira algun piso haltu, segun senor Neme ta spera. Tambe algun bungalow lo worde agrega. Den e empresa di hotel en cuestion senor Neme tambe tin interesnan. Senor Neme ta dea directiva di e seccion Libanes di e empresa aki cu actualmente ta construi un hotel enorme na Tripoli, Libanon.

FATUM — Tel.: 1845
pa tur bo aseguronan

Pista bieuw di aterizahe na uso atrobe

ORANJESTAD, 31 juli. — En cuestion cu e planan di extension di aeropuerto Prinses Beatrix, e pista di aterizahe a worde poni for di uso. Na e mes un tempo esun bieuw bandi di dje a worde poni na uso atrobe. Promer aya ora cu e pista aki tabata worde traha, e pista di rodacion a haci uso como tal.

Diasabra anochi cientos di anigonan y concinran di senor Niki Habibe y senora Stefanita Habibe-Wever a bin huntu den nan cas ariba e Supermarket den Nassaustraat pa felicita e pareha popular aki cu e hecho cu nan ta recorda 25 anja di boda. Casi e cas no por a carga tur e huespednan. Ariba e portret aki e pareha feliz cu nan yunan y suera. Di robey pa drechi nos ta mira Omira Habibe, Niki Habibe, senora Habibe-Wever, Judith Habibe, senora Marina Habibe-Osorio y Nino Habibe.

Pruce y Falconi candidatonan di P.P.A. pa di cuatro y cinco deputado

ORANJESTAD, 31 juli. — Awe noch Eilandsraad di Aruba lo reuni atrobe den un reunion publico, pa trata e asuntu di formamento di B.C. Promer cu trata e punta di eligimento di deputadonan, votamento tin di tuma lugar pa mira si ta acepta e proposicion di e miembronan di fraccion di P.P.A., E.R. Flink, F.V. Laclé y M. de Cuba, pa haci e cantidad di deputadonan cinco.

E candidato di P.P.A. pa e di cuatro y di cinco deputado ta, Alberto Falconi, kende ultimamente tabata deputado caba pero pa un ora, y senor Chrispin Aloniusus Pruce, un cara completamente nobo den politica y un cooperador di e miembro di Staten di P.P.A., senor D. Mathew.

Senor Falconi a worde eligi dialuna merdia siman pasa como deputado di e consohe cheectivo di Aruba cu, 11 voto pa 10, na unda el a hanja seis voto di A.V.P., dos di U.N.A. y tres di P.P.A., entre otro di L.A.I. Chance y W.C. Anslin.

Pero senor Falconi a renuncia e puesto un ora despues, declarando cu su nombramento tabata e resultado di maniohranan di oposicion y algun miembronan di consohe di P.P.A. y cu unicamente lo e acepta un puesto di diputado, si esaki resulta for di un proposicion di su partido. Awor P.P.A.

„MACHIN Y INTELIGENCIA“ TA TITULO LECTURA DI N.A.V.A.

ORANJESTAD, 31 juli. — „Nederlands Antilliaanse Vereniging van Afgestudeerden“, N.A.V.A., lo bolbe organiza un anochi di lectura na su miembronan y interesadonan. E biaha aki lo ta prof. Wakabayashi di Universidad di Estado di Kansas, cu lo papia tocante di „Machin y inteligencia“. E lectura lo worde tene den e edificio di Y.M.C.A. na San Nicolas.

Senor Wakabayashi ta profesor den electrotecnica na e Universidad ya menciona y a bai di acuerdo pa duna un lectura pa N.A.V.A. durante di su estadia corto aki na Aruba.

C. H. WHITFIELD A RENUNCIA COMO CANDIDATO PA B.C.

ORANJESTAD, 31 juli. — Ayera senor Clinton H. Whitfield, kende ultimamente a worde proponi door di P.P.A. pa bira deputado di e teritorio insular di Aruba, pero cu pa sorpresa a worde pasa door di un combinacion di mayoria di e partidanan di oposicion cu tres miembro malcontento di e fraccion di P.P.A., a anuncia cu siman pasa diahuebs caba el a laga e directiva di P.P.A. sabi, cu e no tin interes mas den e candidatura cu el a worde ofreci.


E teksto di e declaracion por escrito, cu senor Whitfield a entrega na prensa ayera, ta lo siguiente:

„En cuestion cu e decision pa eligi dos deputado nobo, senor Clinton Whitfield a declara awe mainta na prensa, cu despues di a pensa bon ariba e proposicion di P.P.A. pa bira deputado, el a acepta esaki unicamente pa sirbi e comunidad Arubano. Pero cu siman pasa diahuebs caba el a laga P.P.A. sabi cu e no tin interes mas den e candidatura. El a bisa tambe, cu e ta lamenta pa e manera cu e asuntunan ta anda y pesei a tuma tal decision.

Nota di redaccion:

Cu confianza nos por acepta cu senor Whitfield a tuma e candidatura sin motibonan egoismo. E homber aki, donjo di dos negoshi florecente, seguramente lo no a progressa materialmente cu un nombracion como deputado. Pa senor Whitfield inester tabata un sla duro, pa constata con el a bira e victima di un maniobra den raad. Loke no a tuma lugar durante ocho anja. Senor

guramente lo tabata p.e. en tin e capacidat pa e puesto aki, un desicion grandi. Anke cu e no a bira deputado, toch e echo cu e tabata di acuerdo pa bundona e gila den un negoshi grandi na bienestar di Aruba, cu tur e consecencionnan cu por sali for di tal, seguramente mester worde aprecia.



Negociante
CLINTON H. WHITFIELD
„No tin interes“

ACERCA DI CHRISTINE

LONDEN, 31 juli. — E West Indio di 31 anja cantante di Jazz Aloysius Gordon, cu na juni huez dje Old Bailey di London a condena pa tres anja den prison pa motibu di maltrata Christine Keeler, a keda liber awe den un apelacion.

IRREGULARIDADNAN DI MINERO NA BOLIVIA

LA PAZ, 31 juli. — Un trina di mineronan di Catavi, e centro minero di mas importante di Bolivia, a come e segun un comunicado di gobierno ayera noch a atake aunariba e luga fruputa, un centro importante di agricultura. A muri na accion aki shete persona mientras shete otro a keda herida.

Tambe e mineronan a ocupa un estacion di radio di su compania minero. Mientras e atake aki tabata tumando lugar miles di obrero tabata tene den e ciudad Oruro cu ta keda den cacerania un demonstracion, nan tabata grita lemanan dea cu nan ta acusa gobierno di actitud antisocial pa cu e obreronan y ta elogia revolucion Cubano.

SINJA PAPIA DEN PUBLICO AWOR

- y domina:
- A Nerviosidad
 - B Miedo di papia
 - C Miedo pa examen
 - D Timidez
 - E Complejo di inferioridad.

ademas desarrola talento como „ORADOR“.

Nos kier recorda tur interesados y e comunidad di Aruba en general cu diahuebs anochi, 1 di augustus 1963 pa 7.30 p.m. lo tin un otro lesing den JAMANOTA CLUB

STA. CRUZ
ban direccion di un decente gradua sr. FABIAN S. KELLY

Pa mas informacion llama 3264 (despues di oramun di oficina)

Inst. Rhetorica

NOS AUTONAN MODERNO



ARUBA TRADING COMPANY

NOS POR ENTREGA FOR DI EXISTENCIA

OPEL KADETT —
OPEL REKORD —
OPEL KAPITAN —

Den diferente modelo y varios coloran,
Pa mas informacion, y un „testdrive“ pasa serca nos.
Ademas . . .


Si bo compra un auto nobo AWOR, bo tin
Chens di gaa un OPEL NOBO completamente gratis.

ARUBA TRADING COMPANY

Deplo di automobil

Rondweg 1 Tel: 1653-2953

CON BO I.Q. DI AUTO TA?



- | | | |
|--------------|------------|----------------|
| A | B | C |
| 1. COIL | 1. SWITCH | 1. STARTER |
| 2. CONDENSER | 2. PLATINA | 2. GENERATOR |
| 3. CUT-OUT | 3. ROTOR | 3. DISTRIBUTOR |

Schrap loke ta fout, jena bo number y adres den e espacio
endica y mandele pa „ARUBAANSE COURANT“ Nassau-
straat 85 Oranjestad, prome cu 15 di augustus 1963.

TIN UN BUNITA SORPRESA PA E GANADOR(A).

Si tin mas cu un bon contesta, suerte lo dicidi.

NUMBER:

ADRES:

CLEAN SWEEP

OF USED CARS

- | | | | |
|----|---|------|-------------------|
| 1 | — | 1952 | DODGE Convertible |
| 2 | — | 1952 | CHEVROLET 2-Door |
| 3 | — | 1953 | PONTIAC 2-Door |
| 4 | — | 1954 | CHEVROLET 4-Door |
| 5 | — | 1955 | PLYMOUTH 4-Door |
| 6 | — | 1955 | DE SOTO 4-Door |
| 7 | — | 1949 | VAUXHALL |
| 8 | — | 1954 | FORD Stationwagon |
| 9 | — | 1951 | PONTIAC 4-Door |
| 10 | — | 1950 | CHEVROLET 2-Door |

ALL THESE CARS!!!!

FOR ONLY

Fls. 3000.-

CASH OR TERMS

HURRY HURRY

TO

AUSTIN SEMPER NUMBER 1



- PA CALIDAD
- PA SERVICIO
- PA PRIJS

ATROBE OTRO EMBARQUE GRANDI A JEGA PA ARUBA!

N.V. WARENHUIS v/d REE.

VIANA AUTO SUPPLY Co. Inc.

TEL. 5120 - 5121

San Nicolas

VIANA AUTO SUPPLY Co. Inc.

FOR **FULL**
PROTECTION!
OWNERS OF

Valiant
Dart
Plymouth
Dodge
Chrysler
Imperial

ALWAYS
ASK FOR

MoPAR

CHRYSLER ENGINEERED
PARTS
ACCESSORIES
ENGINE
AND CAR CARE
PRODUCTS

VIANA
AUTO SUPPLY
COMPANY INC.

San Nicolas — Tel. 5120-5121

KIKO TA
NIFICA

Gp

?



MODEL NOBO 190 DIESEL

Un paso grandi den progreso di nos transporte cu e modelo aki cu motor di Diesel
cual ta representa Seguridad, Comfort, Espacio, Style y Economia!

Bishita nos showroom pa mas informacion tocante e „mlingro“ cu DIESEL.



MERCEDEZ-BENZ — bo strella 'riba tur caminda.

KUSTERS' TRADING COMP.

NASSAUSTRAT 8

TEL. 1012.

PEUGEOT STATION WAGON

E AUTO DI
FAMIA



PEUGEOT ta

pertenece na e 7 mehor autonan di mundo!

• E staal dje body ta 9 mm. diki. Bo por bolter e auto aki y sali sin un rasco.
No cu esaki ta worde recomenda naturalmente, pero asina e dtonan aki ta
worde getest!

• Cada pieza den un PEUGEOT ta worde getest debidamente, nuts y bolts tam-
be. (Mescos cu nan ta test un Rolls-Royce) Pakiko? Orgullo, PEUGEOT ta
traha un auto pa e dura. Bo kier mas informacion, fabor haci nos un bishita.

AUTORAMA MOTOR COMPANY

CURA CABA

TEL. 5305

FL. 50.—

**PA UN
NOMBER NOBO**

PA

„ARUBAANSE COURANT“

**TUR NOS ABONADONAN
SA CABA:**

cu bo reporternan y tur otro empleadonan di „Arubaanse Courant“ ta haciendo tur nan posibel pa ofrece bo diariamente un bon corant. Cu nan tin exito, bo ta ripara **mesora**, si bo compara e corant di awe, cu un corant di anja pasa: **MUCHU MAS PORTRET Y NOTICIA DI BO MES ARUBA!**

Den e 8 anja y mei cu nos ta dirigi e corant aki, nos a cambie di un completamente na **HULANDES**, pa 99% na **PAPIAMENTO**

Awor cu esun porciento cu ta falta, nos lo aprecia yudanza di nos lectoran.

E NOMBER NA HULANDES MESTER BIRA NA PAPIAMENTO!

BO SA UN NOMBER ADECUADO!

E mester ta energico, facil pa pronuncia, caracteristico y digno.

**SOLAMENTE ABONADOS
POR PARTICIPA**

Manda bo sugestionnan por escrito pa **ARUBAANSE COURANT, NASSAUSTRAT 85.** Marca ariba e envelop „Nomber nabo“

FECHA FINAL:

10 di Agosto 1963

Solamente si tin un nomber cu nas lo usa, e premio di f 50,— lo worde entrega. Si entre tur e remitentenan no tin ningun nomber cu warde usa, anto nos ta nombra un jurado pa selecta dos dje mehanan, y recompensa esakinan cu f 25,— cada uno.

BIRA ABONADO AWOR

Di e unico diario na PAPIAMENTO riba mundo!

MENOSPRECIO y TRIUNFO

HOLLANDSE BANKETBAKKERIJ

Oranjestad tel. 2798 — San Nicolas tel. 3478

**E mehor adres pa Bolo y tur clase di pasa-boca.
Diariamente fresco.**

— 24 —

—No mi esposo ta Aleman y nos tin un negoshi di fruta. Negoshi ta bai bon, nos ta gana basta. Pero unda Cristina ta? Mi mester wetele, mi a anhele tantu pel!

Catrina no a move. Su pensamentu nan tabata corre masha liher. Nunca Cristina mester hanja sa cu su mania tabata aki, pasobra e mucha lo bira infeliz.

—Bo tin mas yiu? el a puntra.
—Un mucha homber. E tin casi tres anja. Su nomber ta Berto. Mi a jamie mescos cu senjor Wolaken.

—Wel anto tur cos ta bon. Mira, hala e cortina un banda, aja Cristina ta bai. E no a bira un dancs bunita? Y banda di dje, esey ta conde di Brockhoff. Nan lo casa pronto.

—Asina, y bai sinta atrobe, nos lo papia sensiblen cu otro. Cristina no sa nada di bo. Y si abo kier usa bo derechonan awor di repente, bo ta kere cu e lo ta feliz? E no conoce bo, y... mi no kier ofende bo. Ursula, pero abo no ta pas serea dje.

—E ta mi yiu, senjora Kosiecke a contesta violentamente. Bo no sa ki lo bo ta bisa!

—No tuma mi na malu, e ama di cas a murmura. Asina mi no a meene. Ta trata di henteramente un otro un cos. Conde Brockhoff... ta un homber orgulloso. E no ta casa cu Cristina si e hanja sa cu abo ta su mama. E ta casa solamente cu un muher di su circulo.

—Esey ta imposibel. Si e conde ey stima mi Cristina berdaderamente e lo no importa ken e ta.

—No. Bo no conoce Ursula. Bo no sa ki sorto di hende e Brockhoff ta. Su rumannan a saca for di e familia, solamente pasobra el a casa cu un vendedora. Henning no ta eumind mas, ora cu e tope riba caja. Y toch nan tabata amiguanan inseparables antes.

Catrina a frega su frente soda. E tabata realiza cu awor mester dicide. Cristina su felicidad tabata na peliger. Y kiko Ursula tabata kier mas? E tabatin un homber, e tabatin un yiu homber, e mester ta masha satisfecho caba!

Afor tabatin pasonan ta acerca. Essey ta Cristina, Catrina a pensa spana. Dios, no lage drenta awor aki! E pasonan a bira bai y despues a muri. Un ratu despues e bel den cushina a sona. Senjora tabata spera e kofie den e sala chikitu.

—Por Dios, keda abo aki, y no move.

E esposa di e bendido di fruta a baha su cabez.

—Mi kier bai serea Cristina, el a bisa suave, pero dicide. Bisa nan cu mi ta aki.

—Bo ta malu? Hilda a puntra e ama di cas.

Catrina a sacudi su cabez en no.

—Mi mester papia cu Bo senjora. Un bez. Y bao di cuater wowo. El a tira un bista liher riba Cristina, cu e cuminda basha e kofie den e kopingan. Y si senjor tambe por a seucha un ratu pasobra tabata importante.

Senjora Hilda no a hesita ningun momento pa sigui Catrina. E tabata conoce e ama di cas basta bon pa sa cu esaki no ta exita su mes por nada. —Ursula a regresal! E ta sinta warda den cushina y e kier bai serea Cristina.

Tabata frasenan corticu, cu Catrina tabata bisa, pero cada palabra a herida su senjora manera un punjal. Morio spanta Berto tabata apoya su mes contra e muraya, mientras cu su esposa a pone su mannan dilanti su cara. Tabatin un silencio largu. E ora Hilda a cuminda lora. E tabata lora pa Cristina.

—Senjora! Ursula a bula lamta, ora cu su senjora di antes a drenta den e cushina, sigui pa Cristina y Berto von Wolaken. Senjora Hilda a dune man y tambe Berto a primi su man duru.

—Nos a tende cu bo kier a papia cu Cristina. Papa Berto a tuma e palabra. Mi lo kier pidi bo por fabor pa no haci esey. Ursula. Mi ta comprende bo deseo, abo ta su mama berdadera. Pero bao di e circunstancianan actual ta bo deber pa keda anonima.

Cu palabranan logico el a trata pa laga Ursula comprende cu su jegada lo trese solamente infelicidad pa nan tur.

Mas e tabata papia nias blancu Ursula su cara tabata bira.

—Mi no por, el a keha porfin. Ta mi yiu e ta.

—E no sa esey. E ta stima nos, e ta kere cu nos ta su mayoman. No kita e ilusion hunita aki for di dje.

BO HOROSCOPO PERSONAL

ARIES

21 Maart — 20 April



Consejo di mayornan no ta di gran importancia ambe den asunto nan di amor. Tin indicacion di ventananan financiero.

TAURUS

21 April — 20 Mei



Esaki ta un dia masha favorable pa bo, especialmente riba tereno di amistad y amor. Bo prestigio serea otronan ta grandi.

GEMINI

21 Mei — 20 Juni



Perspectivanan ta masha bon pa obte ne faboran di personanan importante. Bo opinion ta correcto, muestra propio confidencia.

CANCER

21 Juni — 22 Juli



Tambe awe ta un dia favorable pa bo. Bo por provecha especialmente di confidencianan social. Anochi ta masha activo si bo kier usa bo chensnan.

LEO

23 Juli — 22 Augustus



Si bo kier haci negoshi, awe ta e dia adecuado. Oranan di anochi ta sumamente favorable pa asuntunan romantico.

VIRGO

23 Augustus — 22 September



No spera mucho preferencia y atencion di otronan. Tambe awe nan huicio ta mehor cu di bo, pero sin embargo defende bo derechonan.

LIBRA

23 September — 22 Oktober



Seucha bon loke otronan, especialmente bo partner of personanan di confianza, tin di bisa bo awe. Anochi ta favorable pa romance.

SCORPIO

23 Oktober — 21 Nov



Serian stima mester bisa nan opinion en relacion cu plananan pa divertimento y vida social, por tin un notisia agradable.

SAGITARIUS

23 November — 21 December



Tur loke bo ta haci pa mehora bo oficina ta bao di aspectonan favorables. Bo por logra bopi ora bo confidencianan ayudo di colega.

APRICORNIUS

22 December — 19 Januari



Dedica bo atencion awe na asuntunan di cas y na bo familia. Loke bo haci pa nan awe, lo duna dobbel resultado awe y satisfaccion.

ACUARIUS

20 Januari — 18 Februari



Awe ta un dia masha favorable pa logra algu serea otro. Paga atencion na bo apariencia, esey lo aumenta bo prestigio.

PISCES

19 Februari — 20 Maart



Cu un manera di reconciliacion bo por deshaci di hopi desunion di antes. Haci esey pasobra lo ta den bo favor.

NAN NO A HANJA EXPRESS DI ATHENA

MUENCHEN. 31 juli. — Te ainda nan no a hanja e trein express Athena, cu segun e rooster di dienst mester tabata diabierna pasa, ne momento cu e desastre a tuma lugar riba Skopje ne laga aki, pero cu, segun noticianan cu a yega despues tabatin un retrazo.

E trein aki mester a yega Muenchen diabierna mainta pero no a yega ne laga aki ainda. Informacionnan cerca ferroviaria di Austria y di Joegoslavia no a trese ningun resultado y te ainda ta un misterio unda e trein aki por ta actualmente.

Pasaheronan di Bern a participa diadomingo anochi, cu e trein express tabatin un retrazo na mas o menos 40 kilometer na zuid di Skopje. Ey nan e viaderonan a sinti e temblor nan di terra cu a destrui Skopje.

Segun autoridadnan di ferroviaria di Joegoslavia no tabatin ne momento dje desastre na Skopje ningun trein internacional.

DICK TRACY

1. Bo ta busca trobel grandi omo Punky Bah!
2. El a bebe dimas, nos ta juda jega cas, comprende?
3. Gee! Bo ta lore mescos cu un regalo!
4. Djes pa tenele poco aki.



RIP KIRBY JAN BODEGOM & CO (Aruba) N.V.

TEL. 1284 — 1402

agente exclusivo di FRIESCHE VLACH lechi evap orada y lechi en polvo MAXWELL HOUSE KOFFIE

1. Bo por pasa cu bo cria, senjora. Mi ta spera cu bo subrina lo gusta e popchi. Masha danki.
2. Awor lo ta un gusto pa lista e valies di e maleria ei...
3. Haci liher! Calma bo, pasobra mi mester lista tur.



BUCHI ROBEZ

presenta pa cortesia di:

REFRESQUERIA INGRID

TEL. 1849

★ e mehor adres pa snacks, tur clase di dushi, softdrinks, ice-cream y revista

